



SIARAN AKHBAR

S.A. 2021/04/57 (HQ)

ELAK UBAH KEDUDUKAN METER ELEKTRIK TANPA MAKLUMKAN TNB

- Pengalihan pemasangan TNB semasa pengubahsuaian kediaman perlu mendapat kebenaran TNB
- Menjadi kesalahan mengikut Seksyen 37 Akta Bekalan Elektrik 1990

Pemilik kediaman yang berhasrat untuk mengalih atau mengusik pemasangan TNB termasuk meter elektrik ketika membuat pengubahsuaian dinasihatkan untuk memaklumkan **Tenaga Nasional Berhad (TNB)** terlebih dahulu.

Kebenaran TNB diperlukan sebelum melakukan pengalihan pemasangan supaya sebarang kerja yang dilakukan mengikut spesifikasi TNB dan tidak menyebabkan gangguan bekalan elektrik.

Pengalihan pemasangan TNB yang tidak teratur boleh mengakibatkan gangguan bekalan yang kerap, kejadian voltan berlebihan, litar pintas atau kebakaran di kediaman pengguna.

Penglibatan diri dalam apa-apa aktiviti berhampiran pemasangan elektrik tanpa kebenaran sah termasuk tindakan mengusik atau mengalihkan kedudukan meter elektrik TNB menjadi kesalahan berdasarkan Seksyen 37 Akta Bekalan Elektrik 1990 dan individu yang disabitkan melakukan kesalahan tersebut boleh dikenakan denda tidak melebihi RM50,000 atau penjara tidak melebihi dua tahun, atau kedua-duanya.

Bagi sebarang pertanyaan berkaitan akaun dan bil, pelanggan disarankan untuk menghubungi TNB CareLine di talian 1300885454 atau e-mel kepada tnbcareline@tnb.com.my atau kunjungi Kedai Tenaga yang berhampiran.

Dikeluarkan di Kuala Lumpur pada 2 April 2021, jam 12:00 t/hari

Untuk pertanyaan lanjut media, sila hubungi Fitri Majid 013-3626923 /

Grace Tan 016-6626229 / Nasir Aziz 018-9434524

atau emel kami: media@tnb.com.my